

Ei du scheene . . .



Dr Friedel

Dr Strossemaister Salathee
rített Joor us Joor y
und zwei drey Meter hindedra
chunnt's Bauverwalterli
Ihr liebe Lyt, Dir glaubet's nit
es chunnt au bald die Zyt
wo s'Rössli nümme witter's goht
will's uffeme Inseli stooht

Ä Räuber schlyecht ums Gmainihuus
gooht schnäll go Choohle hoole
zletscht he är näbem Kasseschrangg
grad no e Schugger gstoohle
dr Renggli Toni, deggt uf dä Fall
und schreyt, entsetzt ooh, nai
jetzt nimmt dä numme aine mit
von dene hämmer zwai

Dr Bischoff, dr Keller, dr Meyer, dr Meyer
sind Gmeinirööt wo gööhn
me froggt sich do worum ächtsch die
das singgende Schiff verlööhn
es bruucht jetzt jungi Lüüt mit Pfiff
mit viel Verstand und Schliff
die Alte hebe halt die Gmeind
scho lang nümme rächt im Griff

Nervöös hoggt ain im Tellestar
und isch scho ussem Tritt
sini zwai drey Närvesträngeli
die mache scho nümme mit
dr Benny froggt der Reini Ott
was wüsse sie no meeh
är meint es chunnt mer nüt in Sinn
froggt doch dr Gigandee

Bim Horowitz doo han ich mir
e gueti Brülle kauft
ich glaub halt dass am Massgeball
im Mittenza wieder raucht
ich ha im Denner no Tääfi ghooht
und für mi Hoor ä Schlee
das all's wäg Jenni's Furzidee
grilliere im Fäujee

Mi Fründ doo, Sie, das merggt fascht jede
macht am Fүүrwehresch e Gloon
am andere Moorge segglet är
in Wald an Bürgerfroon
är hilft halt aifach überall mit
dä gueti Fasnacht's Pappi
wenn gesser luegsch, no gesech genau
es isch dr Gysi Schaggi

Muttener
Anzeiger
27.2.1991

Schnuderbeeri

Dr Bus-Schofföhr Hubertus Grimm
sait: Dur d'Schwyzerauschtrooss fahr y nimm
die Lüt vo dört, so han ich s'Gfieh
ghörten eigendlig ins Hasebiehl
drum fahrt jetz d'Schwöschter Nägeli
die Linie – mit em gäale Wägeli

Dr Reini Ott – dä Supermaa
reist mit vierzig Fäns bym Tell-Schtar a
doch irgendwie fühlt är sich fremd
öffned schnäll sy Polohemd
und schreyt: «Doo hets jo gar kei Blutti
bin ich doo nit bym Tutti-Frutti?»

Sandoo-benzo-chor-glykose
Cigy-flux-panteen-symbiose
Süüri-nitro-glyn-fabrigg
amfeto-dioxin-iligg
Eins verspräche mir uffs Wort
Muttez – wird nie – e Luftkurort.

Dr Fүүrwehr Hauptmaa Emmenegger
schtellt vor em schloofe goh dr Wegger
denn chneuled är am Booden ane
im Egge under dr Fүүrwehr-Fahne
und bätet: Falls es brennt hütt znacht
lieb Gott – schigg mer dr Rūfenacht.

Vor em «Concours Hippique» hänn zwei Dattle
uff em Schänzli aaf d'Bigger saddle
wo die einti ändlig doobe hoggt
und e Bligg zum Parcours übere wogt
schreyt si entsetzt: Was isch do loos
das geht jo us wie d'Gründeschtrooss.

D'Furzidee

Dr Ökomärt dä isch famos
dört wirsch di giftige Grümpel los
au der Dorfmarkt finde mir ganz toll
mit 300 Ständ so wundervoll
und an 100 Ständ bim dure laufe
chasch dä Grümpel wieder chaufe.

Politisch si mir z'Muttentz uf Droht
dr Schmid isch scho Regierigsrot
dr Meyer isch politisch e Fätze
und duet im Nationalrat schwätze
jä Dir wenn das so witer goht
wird vom Bürgerrot ein Bundesrot

Uf d'Ortspolizei isch e Gängster cho
und het dr Tresor mit sich g'no
also Gängster du bisch denn gar kei schlaue
öppis g'scheits chasch bi dene gar nit chlaue
hätsch lieber d'Polizische mit dr gno
denn hätsch e Belohnig übercho

D'Slalomfahrer s'isch enorm
und d'Schanzespringer si in Form
und das ganz ohni psychischi Kur
numme dank dr Muttentzer Infrastruktur
i dr Rennbahn wärde sie zämme g'flickt
und in d'Gründestross ins Training g'schickt

Dr Bus Chauffeur Heiri Gross
funket SOS vor Schwizeraustross
Auti chrüz und quer s'isch nit zum lache
liebi Bauverwaltig was söll i mache
uf dr Gmeind meint do dr Gysi Schaggi
liebe Heiri fahr doch Ziggi-Zaggi